

Praktikantima u Vijetnamu

Šaljemo pozdrave praktikantima u Vijetnamu.

Kultivacija je proces uzdizanja duše, i počinje tako što, malo po malo, postajemo dobra osoba, a onda, napredujući, postajemo još i bolji, tako da postajete još plemenitiji u odnosu na ne-praktikante i najzad postajete neko viši. Zbog toga, ako ljudi ne budu u stanju da vas razumiju ili čak ako vlasti nad vama vrše pritisak, vi nećete preduzimati kontra mjere kao što bi uradili ne-praktikanti, i morate ljubazno ljudima objašnjavati istinu.

Još od kad je Komunistička partija Kine (KPK) počela progoniti Falun Gong, stjerala je sebe u ćošak pod utjecajem internog i međunarodnog pritiska. Progon duhovnih vjernika je režim gurnuo na ivicu kolapsa. Specijalni agenti KPK su se infiltrirali u Vijetnamsku vladu u namjeri da otklone pritisak, koristili su novac, diplomatska sredstva i poslovne interese da bi ubijedili vlasti da vrše represiju nad praktikantima Falun Gong. Ovo je učinjeno u nadi da će se skrenuti pažnja međunarodne zajednice i ublažiti pritisak koji su sami sebi donijeli progonom Falun Gong u Kini. Zbog toga, naši praktikanti u Vijetnamu trebaju ostati pribrani u ovim neuobičajenim vremenima i, za sada, trebaju se suzdržati od aktivnosti velikih razmjera namijenjenih za podizanje svijesti. To se pogotovo odnosi na preduzimanje kontra aktivnosti. Kultivacija je, uostalom, rad na samome sebi i uklanjanje vezanosti, zato privremeno možete učiti Fa, raditi vježbe uglavnom sami za sebe, i nemojte organizovati velika okupljanja za grupno učenje ili vježbanje. Na dopustite da vas uznemire ili isprovociraju bilo kakve laži u medijima. Samo mirno posmatrajte stvari. Ako bilo ko pokuša da uzburka stvari, postoje problemi s njegove strane! Ovo stalno morate imati na umu.

Gledano iz drugog ugla, činjenica je da je KPK bila u stanju pokrenuti kampanju progona Falun Gong zahvaljujući gomilanju ogromne količine zlih entiteta i karme, prostog gomilanja zlih stvari u drugim dimenzijama tokom vjekova. KPK je upravo iskoristila te stvari za napad na praktikante Falun Gong, što nas je stavilo u nevjerovatno napregnute okolnosti. Ali kako to vide viša bića, bilo je doista neizbježno da se ove zle stvari suprotstave svojoj eliminaciji, što je njihova sudbina u vrijeme pročišćavanja kozmosa. Na taj način su stvorili ogroman pritisak na ljudski svijet, posebno u Kini, na sva bića kao i na praktikante. Dovedi su i do haotičnih i degenerisanih pojava koje se manifestiraju u društvu. Zla avet kineskog komunizma ne može sama izvršavati sve ovo; ispravni bogovi bi je uništili u trenutku kada je počela progoniti duhovne kultivatore. Sada, nakon skoro dvadeset godina progona, te su nagomilane zle stvari eliminirane. Zla avet Kineskog komunizma je sada također u fazi uništenja. Sada više nije moguće da neko pokrene nešto nalik progonu Falun Gong kako je to uradila KPK, jer su zli činoci u drugim dimenzijama uklonjeni; a ljudska bića ne mogu pokrenuti

ništa nalik tome bez pomoći masivnih sila zla.

Zhen, Shan i Ren—biti neiskvaren, ljubazan i dobrodušan—su univerzalne vrijednosti koje svi priznaju, koje jedino i postoje kako bi koristili ljudima i narodima. Čak i ako ste suočeni s progonom, još uvijek trebate sve raditi dobrodušno jer ste osoba koja je na duhovnom putu. Kao nepopustljivi praktikanti možete, time što nećete dopustiti da na vas išta ima uticaja, odnijeti pobjedu u svakoj situaciji.

Li Hongzhi
27.11.2018.

Prevod na bosanski, 01.12.2018.